

**Suliffissaaleqineq akimorniarlugu aammalu aalisarneq patajaallisarniarlugu umiarsuarnik tunitsivinnik tunisassiorsinnaasunik ("umiarsuit tunisassiortut") atuinerup qanoq siuarsarneqarsinnaaneranut tunngatillugu oqallinnissamut siunnersuut**

(Inatsisartunut ilaasortaq, Jens Immanuelson, Siumut)

**Akissuteqaat**

(Aalisarnermut, Piniarnermut Nunalerinermullu Naalakkersuisoq)

Suliffissaaleqineq akimorniarlugu aammalu aalisarneq patajaallisarniarlugu umiarsuarnik tunitsivinnik tunisassiorsinnaasunik atuinerup qanoq siuarsarsinnaaneranut tunngatillugu Inatsisartunut ilaasortap Jens Immanuelson-p apeqquteqaataa aallaavigalugu oqallisissiaanun qujavugut Naalakkersuisuniik.

Piffisani aalajangersimasuni aalisarnerup ingerlanneqartarnera Naalakkersuisunit ilisimaarineqarpoq. Piffissami sivikitsuinnarmi aalisarneq imatut annertutigisinnaasarpoq nunami suliffissuit malinnaasinnaanatik. Aammattaaq Naalakkersuisut ilisimaaraat piffissami sivilunerusumi tunisassiassanik amigaateqartoqartartoq aammalu tunisisinnaanerup annertunerulersinnaaneranut periarfissaqartoq kiisalu nunami aalisakkanik tunisassiortut ineriartortinneqarsinnaaneranut periarfissaqartoq. Taamaammat 2015-imi avataasiortut annertunerusumik tulaassinissaannik Naalakkersuisut aalajangersimapput. Tunngaviusoq tassaavoq nunami suliffiit tunisassiassaqtuaannarnissaat taamaalillunni nunami tunisassianik ineriartortitsinissamik periarfissaqarnerulerluni. Tamanna suliffinnik ataavartunik pilersitsisimavoq ilaatigut Nanortalik-mi, Narsaq-mi, Alluitsup Paa-ni Paamiut-nilu.

Aalisaneq pillugu Siunnersuisartoqatigiit ataani suleqatigiisitaliaq 2013-imi umiarsuarnik tunitsivinnik atuineq pillugu periusissanik ullumikkut atuuttunik suliaqarsimavoq. Periusissiat taakku Naalakkersuisunit akuerineqarput, umiarsuit tunitsiviit (imaluunniit "umiarsuit tunisassiortut") atorneqarnerini allaffissornermut tunngaviliisuummata.

Tunitsivinnik umiarsualiinerni periusissiani aalisakkat piffinni immikkuullaarisuneersut assigiinngitsut pineqarput.

Tunitsivinnik umiarsualiinerni periusissiami siunertaasoq tassaavoq tunitsiviit utaqqiisaagal-lartumik periarfissiissutaaneri, nunami suliffeqalersinnaanerata piareersarfingineqarneranut ineriartortinneqarneranullu periarfissatut.

Misilittakkatigut nalunngilarput umiarsuit tunitsiviit nunami tunisassiorfinnut unammil-lingaatsiartut tamannarpiarlu eqqarsaatigalugu periusissiat suliaallutik.

Saarullinniarnermi tunitsiviliinerup pisarinnerulernissaa siunertaralugu ukioq manna siusinnerusukkut periusissiat allanngortinneqarnissaat sulissutigineqaleraluarpoq. Periusissiali atuutiinnarnissaanik Naalackersuisut aalajangerput.

Naalackersuisut 2015-imi tulaassuisinnaanermut tunngatillugu akuersissutit 14-it suliaarat. Akuersissutit taakku ilaat suliffissuit angummassinnaaneritut oqilisaassisutut nalilerneqarsimapput.

Pingaaruteqarpoq umiarsuarnik tunitsiviliinermi periusissiat malinneqarnissaanik Aalisanermut siunnersuisoqatigiit inassutaat ataqqissallugu. Allanguinissaq kissaatigineqarpat pingaaruteqarpoq allanguinerit Aalisarneq pillugu Siunnersuisartoqatigiinnit suliarineqarnissaat. Taamaalilluni inuussutissarsiummut tunngasut pilersaarusionerlu ilanngullugu suliarineqassagaluardata.

Naalackersuisut ullumikkut umiarsuarnut periusaasut allanngortinnissaat pilersaarutiginnilaat. Sumiiffiilli tunisassiorfitsigut pisariaqartitsiffiusut eqqumaffiguarnissaat Naalackersuisut pingaartilluinnarpaat.

Naalackersuisulli Inatsisartut pisussaaffiliukkumasaat umiarsuartigut tunitsiviliisarnermut suliffissuarnik malillugit allanguissalluta Naalackersuisuni piareersimassaagut, oqallisissiarlu manna Inatsisartuni oqallisigilluarneqarnissaa Naalackersuisuniik kaammattuutigaarput.